



BOSNIA AND HERZEGOVINA
MINISTRY OF FINANCE
AND TREASURY

Broj: 05-02-2-5037-1/23
Sarajevo, 03.07.2023. godine

SVIM BUDŽETSKIM KORISNICIMA

N/p RUKOVODIOCA

Predmet: Instrukcija za sačinjavanje polugodišnjeg izvještaja o izvršenju Budžeta budžetskih korisnika za period 01.01. - 30.06.2023. godine

U skladu sa čl. 14. i 22. Zakona o finansiranju institucija BiH („Službeni glasnik BiH“, br. 61/04, 49/09, 42/12, 87/12 i 32/13), Pravilnikom o finansijskom izvještavanju institucija BiH („Službeni glasnik BiH“, br. 25/15 i 91/17), obavještavamo institucije Bosne i Hercegovine o sljedećim aktivnostima neophodnim za fer i korektno iskazivanje polugodišnjeg Izvještaja o izvršenju Budžeta budžetskih korisnika za period 01.01. - 30.06.2023. godine, i to kako slijedi:

1. **Izvršiti evidentiranje rashoda i izdataka**, odnosno svih poslovnih promjena i usaglašavanje stanja u Glavnoj knjizi Jedinственог računa trezora BiH, **koje se odnose na period 01.01. - 30.06.2023. godine, najkasnije do 24.07.2023. godine.** Napominjemo da su budžetski korisnici dužni izvršiti kontrolu evidentiranja svojih poslovnih promjena, tako da stanja u Glavnoj knjizi na analitičkim kontima stalnih sredstava, potraživanja, zaliha, rashoda i kapitalnih izdataka, izuzev analitičkih konta ispravke vrijednosti, moraju imati dugovno završno stanje, dok analitička konta obaveza, prihoda i primitaka moraju imati potražno završno stanje;
2. Izvršiti usaglašavanje stanja i izvršenja rashoda na programima posebne namjene do 24.07.2023. godine;
3. Nakon provedenih obaveza navedenih u 1. i 2. tački ove Instrukcije, **popuniti obrasce:**
 - **Bilans stanja** budžetskog korisnika na dan 30.06.2023. godine (obrazac BS), koji se odnosi na ukupne podatke budžetskog korisnika (zajedno s poslovnim promjenama koje se odnose i na programe posebne namjene) **i to zbirne podatke** u istom obračunskom periodu iz prethodne godine, zbirne podatke u obračunskom periodu iz tekuće godine i indeks. **Uz bilans stanja napraviti zabilješke, koje objašnjavaju bilansne pozicije;**
 - **Pregled prihoda, primitaka i finansiranja** za period 01.01. – 30.06.2023. godine (obrazac 1), koji se popunjava u skladu sa prihodima i primicima Budžeta institucija BiH iskazanim na bruto bilansu korisnika, što podrazumijeva iskazivanje ukupnih zbirnih podataka po analitičkim i sintetičkim ekonomskim kategorijama iskazanim u obrascu i to samo u **Zbirnom pregledu prihoda, primitaka i finansiranja.** Obaveza popunjavanja ovog obrasca odnosi se na institucije Bosne i Hercegovine, kod kojih su **evidentirani prihodi i primici na bruto bilansu korisnika u skladu sa Naredbom o izmjenama i dopunama Naredbe o uplatnim računima za administrativne takse i naknade („Službeni glasnik BiH“, br. 30/23 i 37/23);**
 - **Pregled rashoda i izdataka budžeta po ekonomskim kategorijama** u periodu 01.01. – 30.06.2023. godine (obrazac 2), koji se popunjava u skladu sa rashodima iz bruto bilansa korisnika, što podrazumijeva iskazivanje ukupnih zbirnih podataka po ekonomskim kategorijama zajedno s programima posebne namjene u **Zbirnom pregledu rashoda i izdataka.** Pored zbirnog obrasca broj 2 potrebno je popuniti **i pojedinačne obrasce broj 2 za**

budžetskog korisnika u skladu sa odobrenim Budžetom, što znači da se za rashode opštih namjena budžetskog korisnika popunjava na jednom obrascu, a rashode po programima posebnih namjena (što uključuje rashode iz namjenskih sredstva od novčanih donacija i grantova, udruženih sredstva za Fond za povratak i IPA fondove, namjenskih sredstva DCA, namjenskih sredstva iz viška prihoda RAK-a, prihoda od UMTS dozvola, od sukcesije i namjenskih sredstva iz budžeta) i to pojedinačno za svaki program na posebnom obrascu na analitičkim i sintetičkim kontima. U koloni „Budžet“ iskazuju se podaci ukupno odobrenog Budžeta za 2023. godinu, odnosno sve pozicije prema usvojenom Zakonu o budžetu institucija BiH i međunarodnih obaveza BiH za 2023. godinu. U koloni „Izmjene i dopune“ unijeti podatke po osnovu donacija i namjenskih sredstava prenesenih iz 2022. godine i ostvarenih priliva u 2023. godini, kao i prestrukturisanja rashoda, tako da se procenat izvršenja Budžeta odnosi na ukupan korigovani budžet;

- **Posebni podaci o platama i o broju zaposlenih** (obrazac 4), u kojem ste dužni na mjestu „broj zaposlenih“ navesti *prosječan broj zaposlenih* u periodu 01.01. - 30.06.2023. godine;
 - **Pregled dinamike zapošljavanja** za period 01.01. - 30.06.2023. godine (obrazac 4/1) po mjesecima. Podatak o projekciji broja zaposlenih odnosi se na projekciju iskazanu u usvojenom Zakonu o budžetu institucija BiH i međunarodnih obaveza BiH za 2023. godinu. Ukoliko postoji odstupanje stvarnog broja zaposlenih na dan 30.06.2023. godine s brojem isplaćenih plata obavezno u vidu napomene iznijeti činjenice o broju takvih slučajeva (neplaćena odsutnost, bolovanje, nije obračun plate putem COIP-a, došlo je do prekida radnog odnosa u toku mjeseca juna i sl.). Takođe, potrebno je obrazložiti nova zapošljavanja. **Napominjemo da je potrebno ispod tabele iskazati podatke o ukupnom broju primljenih i otpuštenih zaposlenih po mjesecima, kao i podatak o broju zaposlenih na određeno vrijeme (zaposleni na projektima i sl.);**
 - **Klasifikacija rashoda i izdataka budžeta po vladinim funkcijama (COFOG)** u periodu 01.01. – 30.06.2023. godine (obrazac 5.), koji se popunjava u skladu sa funkcionalnom klasifikacijom rashoda budžetskog korisnika, što podrazumijeva iskazivanje ukupno izvršenih zbirnih rashoda po funkciji/funkcijama zajedno s programima posebne namjene u **Zbirnom pregledu, koji mora u ukupnom iznosu biti jednak izvršenim rashodima iskazanim na Zbirnom pregledu rashoda i izdataka** (zbirnom obrascu 2.). Napominjemo da se kolona „Budžet – izmjene i dopune“ ne popunjava u ovom izvještajnom periodu;
 - **Pregled kapitalnih ulaganja po vrstama, projektima i opremi** za period 01.01. - 30.06.2023. godine (obrazac 6/1). Obrazac je potrebno popuniti prema planiranim iznosima odobrenim Budžetom za 2023. godinu i iznosima iz novčanih donacija i namjenskih sredstava, koja nisu uključena u Budžet za 2023. godinu. Zbog bolje kontrole napominjemo da je ovaj obrazac jednak vrijednostima kapitalnih izdataka (konta iz grupe 821000), koja uključuje sve stavke iz Budžeta za 2023. godinu, uvećane za namjenska sredstva programa posebnih namjena, koja nisu uključena u Budžet za 2023. godinu. Ovaj obrazac obavezno popuniti u skladu s odobrenom namjenskom strukturom stalnih sredstava, odnosno kapitalnih izdataka (uključujući kapitalne izdatke za višegodišnje projekte i projekte iz namjenskih sredstava);
 - **Pregled doznaka iz tekuće rezerve budžeta** za period 01.01. - 30.06.2023. godine (obrazac 7), koji popunjavaju institucija BiH koje su imale odobrena sredstva iz tekuće rezerve Budžeta institucija BiH u izvještajnom periodu.
4. Budžetski korisnici su, uz navedene obrasce, dužni **obavezno** dostaviti tekstualni dio u kojem treba:
- *obrazložiti strukturu rashoda, objasniti uzroke neproporcionalnog izvršenja godišnjeg plana značajnih prihoda i rashoda, primitaka i izdataka,*
 - *objasniti dinamiku realizovanja programa posebne namjene (namjenska sredstva od novčanih donacija i grantova, udružena sredstva za Fond za povratak i IPA fondove, za namjenska sredstva DCA, UMTS dozvola i sukcesije, za namjenska sredstva iz viška prihoda RAK-a i namjenska sredstva iz Budžeta),*

- obrazložiti najvažnije uzroke odstupanja izvršenja u tekućem od izvršenja u istom periodu prethodne godine,
 - obrazložiti odstupanje ukupnog broja zaposlenih u odnosu na planirani broj,
 - predložiti mjere za otklanjanje eventualnih poremećaja.
 - Posebno treba obrazložiti sljedeće:
 - izvršenje višegodišnjih projekata navedenih u „Pregledima višegodišnjih projekata“ iz tabele 5. Zakona o budžetu institucija BiH i međunarodnih obaveza BiH za 2023. godinu i projekata iz prethodnih budžeta, čija je realizacija nastavljena u 2023. godini;
 - izvršenje programa posebnih namjena odobrenih od strane Vijeća ministara BiH za realizaciju namjenski sredstava iz viška prihoda nad rashodima Regulatorne agencije za komunikacije u BiH;
 - izvršenje namjenskih programa posebnih namjena (IPA projekti, projekti finansirani iz udruženih sredstava, projekti finansirani iz prihoda od UMTS dozvola, sukcesije i drugi projekti odobreni od strane Vijeća ministara BiH).
5. Izvještaje iz tačke 3. i tekstualna obrazloženja navedena pod tačkom 4. potrebno je, u skladu sa važećim zakonima, potpisati od strane rukovodioca institucije. *Napominjemo da su korisnici obavezni dostaviti CD sa skeniranim potpisanim i ovjerenim tabelama izvještaja za period 01.01. - 30.06.2023. godine i obrazloženjima istog, kao i kopije izvještaja u word formatu i u excel tabelama, i iste dostavite uz potpisane i ovjerene obrasce izvještaja za period 01.01. - 30.06.2023. godine;*
5. **Rok**, za dostavljanje popunjenih, potpisanih i ovjerenih obrazaca i tekstualnog obrazloženja, **je do 28.07.2023. godine.**

S poštovanjem,

ZAMJENIK MINISTRA

mr. sc. Muhamed Hasanović, s.r.